

عدد — ۹۱

امور اداره و تحریریه و اعلانات و سائرہ
ایچون مدیر مسئلہ مراجعت ایدلیدر .
عرفای امتک مقالات متصوفانہ لربہ
جریدہ صوفیہ نک صحیفہ لری آجیقدر .
درج ایدلیان اوراق اعادہ ایدلز .

جریدہ تصوف

شیمدیلاک هفته ده بر نشر اولنور .

نسخہ سی ۴۰ پاره در .

ابونہ سی : بر سنہ لک اعتباریلہ ممالک
عثمانیہ ایچون ۴۰ آلتی آیلنی ۲۵ غروش
وممالک اجنبیہ ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعہ سی

تصوفی ، دینی ، اخلاقی ، سیاسی جریدہ اسلامیہ در .

جون گذشتم ز عقل صد خاطر
چون بگویم که کفر و دین دیدم
هر چه هستند سدره تواند
سداسکندری همین دیدم

مقام حیرت اولان کفر حقیقیدن کجکد نصرکه ایمان حقیقی
و محقق لک نهایت مطلوبی تحقق ایدر حضرت صاحب شریعت (ادعوا
الی الله علی بصیرة انا و من التبغی) بیودینی بومقامه کوره در
طوبی لاریاب النعم نعیما و للعاشق المسکین مایجریع

محبوبک غیر یسنی نظردن قالدیر ملی محتفی و مستور ایلی!! شهوده
استهلاک و اضمحلال وجه اتمیت اوزره تقرر ایلی شیخک کمال بندم
نوازیسندن مریدانی شهوده ماسوایی مضمحل و معدوم کورر لر .
لوازم وجود انسانیدن اثر کورمز لر ایشته او وقت فنا تحق
ایدر هیچ بر صورتله وجودی اولیانلر مقتولین محبت دکلیدر لر (من قتلته
فانا دینه) مقتولین عشق حقنده تحقق ایدر دوام استهلاک تقدیری
اوزره غفلت کورستر مز لر .

(و اما بنعمة ربك فحدث) بعض اسرار خفیه معرض ظهورده
تجلی ایدر ایدر ده طالبان حق تنعمات حقیقه ایله سیراب اولور لر .
منکران بوبابده افادتمیزی اکلامقندن بریدر لر (یضل به کثیراً)
ارباب بصیرت میدانده در .

انراکه درسرای نکاریست فارغ است ازباغ بوستان و تماشای لاله زار
بو سوزلرم عین حقیقت اولدینی ایچون هیچ بر صورتله شایان
اعتراض اوله ماز معجزه قهر دشمندن طولاییدر . بر حرکت توجه پیر
ایله بر مرید فنا و بقایه ایریشور راه الهامی اکلار .

روح آدم خلاصه حق سبحانه لامکان اولدینی کبی روح ده
لامکانیدر روحک بدنه نسبتی حق تعالینک عالمه نسبتی کییدر نه داخل
ونه خارج اولدینی کبی نه متصل و نه منفصلدر . قیومیتدن اول
مفهومک نسبتی ملاحظه ایدیلورمی ذرات بدن هر ذره مقوم و روحدر
حق قیوم عالمدر . حق فصل ترک اولنور بعض خذله نک کندی وجود .
لرینی انکار ایدر جهسه دنانت کورستر دکلرینی کوریورم کائنات اسلام
اوللی دکل اوج بحق کئی ساحه اسلامیت بیو کدر حقک قیومیتی ،
واسطه قیومیت روحک بدنه تعاقی کبی دکل (لایسعی ارضی و لاسمائی
ولکن یسعی قلب عبدالمؤمن) ارض و سما وجود وسعت و فراخی ایله
داخل دائره امکاندر . فقط داغ جونی و چکونکی ایله متسم کنجایش
لامکانیده جونی غیر متصوردر . هیچ لامکانیده مکان کنجایش تصور
اولورمی ؟ ظن ایدر ایسم اوراده (چون بیچون) ارامپذر اوله ماز .
بالضروره قلب عبدالمؤمن لامکانیدر . چندی و چندین متبری در . قلب
غیر مؤمن اوج لامکانیدن سقوط دائمی اوزره در چندی و چینی به گرفتار
اولورسه محبت غیر حقندن طولایی ایتدیکی هذیان قالماز .

دائره امکاندن خارج حقیقه ماز جونیکنک جولانکنی ساحه امکاندر
قابلیت اصلیه ضایع اولغه باشلانجه بو کوردیکمز دنانتلر رونما اولور
(اولئک کالانعام بل هم اضل) هر کیم اولورسه اولسون وسعت

قلبندن خبردار اولورسه اولئک امری لامکانی اولور . قلب مکانی اولورسه
اوراده خار و خس نشوونما بولور سیدالطائفه جنید بغدادی (ان الحمد
لله) اذقرون بالقدیم لم یبق له اثر) بوبر لباس یکتا و ثوب خاص در که قدر روح
ایچون دیکلمشدر . ملائکه دینی بو خصوصده حصه دار اوله ماز لر بیچون
ایله متصف داخل دائره امکاندر . انسان فقط او انسان خلیفه رحمن
اولور صورت شی خلیفه شی دکلیدر . کرک عالم صغیر و کرک عالم کبیر
اولسون بونلرک جمله سی مظاهر اسما و صفات الهیه دن عبارتدر . مرایای
شئونات و کمالات ذاتیه برکنج مکنون و سر مخزوندر عالمک صانعه نسبتی .
یوقدر عالم الآن خالقک مخلوقیدر هر حکمک ماوراسنده کمالات مخزونه
واردر . جنس اتحاد و عینیت و احاطه و معیت سکروقت و غلبه حالدر .
اکا بر مستقیم الاحوال قدح صمودن انلره بر شریه مساعده ایتشلر در .
اوعالم اومعانی مخزونه اوکا نسبت زائده دن منز و مبرادر بو حروف
واصواته نه دیرسک اونلر خارجه موجود درده اوعالم و معانی
مخزونه ده وجود پذیر اوله ماز . مذهب سوفسطائینک سالکترینک ده
بو نکته یه عقلری ایر مامشدر . عالم خارجه وجود ظلی ایله موجود
ماسوادن عبارتدر کون طبیعی عالم او هام و خیالاتدن عبارت دکلدر بو
مذهب مذهب سوفسطائینک عقیده سی کبی اولور اونلر عالمی او هام
و خیالات بیلور لر . اثبات حقیقی عالمده کورستر مک عالمی او هام
و خیالاتدن عبارت عدا ایتما مک دیمکدر حقیقت موجود عالم دکلدر
زیرا عالم و رای حقیقت مفروضدر

مثنویخوان

در کلبه کدایان سلطان چه کار دارد

عنه

علویات اسلام

ام الفساد ، سم العباد بر مشروع ممنوع :

— خمر —

— مابعد —

(۱۸)

« خمر » انواعک احوال و مضراتی بیان و اراده ایدن کتب و آثار
ومقالات والواح حقنده معلومات مخصوصه - بعض آثار و مؤلفات مشهوره نک
« خمر » انواعنده کی مضرات شدیدیه دائر بیانات مهمه لری - آوروپا مجرین
مشهوره عسکره سندن بعضیلرینک عسکرلکده عشرتک تولید ایده کی مضرات
وتهاک حقنده کی بیاناتی - نافع ظن ایدیلن « کیوکلی زهر مغدی » باخود
« بیرا » علیهنده بر مقاله مهمه - صحیحی ظاهراً غیر مختل کوریلن بعض باشلی
عیاشلر حقنده بر طیب شهرک بیانات حکیمانه سی - علی العموم « مشروبات »
حقنده حفظ الصحه علماسنک قرار و خلاصه لری ،

محرماندن بولنان « خمر » یعنی انواع مسکرات علیهنده - حتی انلرک الک زیاده رواج بولدی بی بلاد متمدننه ، آوروپا و آمریکا مالکندنه - شمدی به قدر وبا خصوص ادوار اخیرده برطاقم حقیقت پرور اعظم حکما و اطبا و محررین پک بیوک مجاهداتده بولنشلردر . انلر طرفندن بو یولده بازیهرق « فسیولوزی » یعنی منافع الاعضا و حفظ الصحه و « باقتریولوزی » یعنی میترولوجیک ... کتابلرینه وسائر مؤلفات متعلقه و رسائل موقوته و غزتهلره ادخال و درج و مستقلاً کتاب صورتندده نشر ایدلمش مباحث و مقالات اوقدر چوقدرکه بولنری تدقیقه قویولانلر حیرتلر ایچنده قالیر ؛ انواع خمری تشکیل ایلمان بتون مسکراتک بشرینه الک بیوک بر عددی بی امان ایدوکنه زره قدر شبهه ایتر . آنلر ارباب تدقیق و مطالعهنک ، بتون انسانلرک انظار دقت و انتباهلرینه همیشه معروضدر . فقط صد هزار تأسف ایدیلورکه بو آثار حیاتیجشایی لایقلمه اوقویانلر ، احکامیه عمل ایدنلر همان هر یرده حالا پک نادر و عادتاً برر حزب قلیل تشکیل ایتمکدهدر .

نوع بی آدمک کرفتار بولنه کلدیکی امراض متنوعه و مهلهکۀ انواع بلایا و نلا کتیلردن قسم کایسنگ ، انسانلردن بر طاقنک مرتکب و دوچار بولندقلر قباچ و زراعت و سفالتلردن قسم اعظمک ، نخته عالمده کوریلن انواع غایم و قباحلر و جرم جنایتلر و صنوف فساد و خباثتلردن پک جوغنک عیش و عشرت و سفاهته ابتلادن ، سرخوشلق و عیاشلق خصلت و علت مذمومه و قبیحه سندن انبعاث ایتدیکنی ، حبسخانهلری و دارشفالری طولدران مجرمین و مجانین دن پک بیوک بر قسمک سرخوشلق ایدوکنی ممالک متمدننه کمال دقتله طوبیله کلمکده بولنان ایستایستیقلر — باشقه دلایل و براهینه احتیاج برایشه حق صورتده — وجوده عدیده ایله صریحاً ارثه و اثبات ایتمکدهدر . بو بدبختلر ، مسکرات قربانلری مباحث کتب و آثار و مقالاتک بیکده برنی اوقومش ، مسکرات یوزندن کلهجک شدید فلا کتیلر حقهده هیچ دکلسه سطحی بر فکر حاصل ایتمش بولنسلر ایدی احتمالکده علیهرینه توجه ایدمکده مدعش تهلمکده لک بلک یوزده سکساتی آتمش بولنلرلر . نهایت کرداب فلاکت واضمحلاله یوارلارنوب کیتمز لردی جهسود! . . . ورق مهر وفایی کیم اوقور کیم دیکلر !!! ...

کرمک شرع شریف محمدینک ، انک خادمی نیجه اجله علما و حکمای اسلامیهنک انواع خمر حقهده کی تبلیغات مقدسه و ارشادات حکمت غایات جلیلهلری و کرمک آوروپا و آمریکا اعظم اطبا و حکما و مدقیقینک - تدقیقات و تحریات عمیقۀ موشکافانه و علوم حیجیه و تجارییه نتایجیه مستند - بوباده کی بیانات حقیقت پرورانهلری و الحاصل تکملات بشریهنک غایته دوغری سرعتله ارتقا ایتدیک ایوار اخیره آثار و مؤلفات و مطبوعاتک بوبولده اوقوتلمه توکنمز پک کثیر و متنوع مباحث و مقالات و حیضهلری نوع بی انسان ایچون بر آفت مدعشه بولنان انواع مسکراتک فلاکت انگیز مضرات و تهلمکده لری براهین

و بیانات مقدسه و دلایل عدیده عقلیه و قطعیه ایله جمله انسانلرک انظار عبرت و انتباهنه وضع ایتمشدر . بوقدر متین و قطعی براهین و بیانات و دلایلدن سوکره آتش سوزان عشرته ، کرداب مدعش مسکراته آتلق بلای جهل و نادانیدن و یاخود بیله بیله اتخاردن باشقه بر سبب ایله قابل شرح و تألیف دکلدر . صقاللری میقروبی اوزون بیققرینه قاریشمش بر حالده « ایمانم راقی ! ایمانم شراب ! ویرباقلم . . . » صیحه لر یله طولو قدحلری قاورایهرق شرب خمر ایله دنیا و آخرت لری خراب ایدنلر ، شرابی « خون مقدس » عد ایدمک درجهده غفلتهده ، منطقسزلرده ایلری کیدنلر جدأ شایان مرحمت زوالیلردر . . . ؟!

حذاق اطبا عثمانیه و اعظم حکمای اسلامیهن دن میلایلی دوقور اسماعیل حق بک اقدی « دین اسلام علوم و فنون » نامیه اخیر اتخیر و نشر بیوردقلری اثر جلیلده [۱] دیرکه :

[۱] . . . بوکون اسپرتولی مشروبانک تولید ایلدیکی مضرتلرک برر بر تعدادی هیچ بر قلمک اقتداری داخلنده دکلدر ؛ چونکه بیوک اقتدار و شهرت صاحبی مؤلفین و حکما بوباده جلدلر طولدر دقلری حالا یکی یکی مضرتلری اکلاشلمقده و اوللری نه سبیه منی حصوله کلدیکی بیلمه میدن امراضک بومشروبات سبیه حصول بولدقلری تحققیق ایتمکده و بو جهته ولو بردامله بولنسون عشرت ایدلمه می حقهده آوروپا و آمریقا ودها طوغریسی دنیانک هر طرفنده جمعیتلر تشکیل ایتمکدهدر . ایچنه و ذریته ویرمکده بولندینی مضرتلره عالم بشری عادتاً بشریتدن چیقارمحق درجهده کی تهلمکده سی عقلا و حکمای قور - قوتمند بولنان بومسکراتک مضرتلری عرض ایتدیکم و جهله کمالاً تعداد ممکن اولمادیغندن یالکیز بعضلردن بحث ایدمکده بیکجک هر حالده عبرت آلدرق ایچمه مک و شاید ایچیلورسه در حال توبه و ترک ایتمک ایچون بوقدری ده کافی در . مکرکه انسان معاذ الله تعالی هیچ بر صورتله اصلاح قبول ایتمه جک درجهده بلاهته مستغرق ، عقلسز و ارشاد ناپذیر بولنه [۲] .

بیانات معروضه دن تظاهر ایدرکه انواع خمردن و بولنرک احوال مختلفه و مضرات و تهلمکندن باحث هر اسانده کی کتب و آثار و مقالاتی - صایبله میه حق درجهده کثیر و جمعاً نیجه بیکلرک متجاوز بولنلردن طولایی - برر برر ذکر و بیان ایتمک خارج از امکندر . ذاتاً بواثر ملخصی ده تفصیلات ذائده اعطاسنه غیر مساعد بولندیفنه بناء بزبوراده انلرک تبیع و نفوذ ایدمکده بیلدیکمز الک مشهورلردن بحث و بعض بیانات مهمهلری انظار دقت قارئین کرامه وضع ایله اکنتفا ایلدک .

اولا شوراسنی عرض ایدمکده « خمر » حقهده کی - شمدی به قدر انظار مطالعهیه وضع ایتدیکمز - مقالات متسللهیه مأخذ اساسی اتخاذا ایلدیکمز برطاقم آثار جلیله اسلامییه ، اقتباساتده بولندیغمز کتب و آثار افرنجییه کرمک متن مقالاتده و کرمک حاشیه - لر مزده ایضاحات کافی ایله بیان ایتمش بولندیغمز دن کتب و آثار [۲] ۱۳۲۷ سنه هجریه سنده در ساداتده « نمونه طباعت » مطبعه سنده طبع ایدلشدر .

مذکورہ دن بورادہ تکرار بحثہ لزوم کورمڈک . آرزو بیورانلر
آدرس لرینی اورالردہ بولوب آلہ بیورلر .

فرانسہ مکاتب مختلفہ سنہ قبول ایدیان قرائت ، غرامہ ر | صرف
ونحو فرانسوی | ، معلومات نافعہ ... کتابلریہ بو یولده کی سائر
کتابلرک بر چوق صحیفہ لری - اکثریا بیوک حرفلرله یازلمش بیانات
ونظر دقتی جاب ایلہ جک رسماریلہ - مسکرات کتویہ نک مضرات
مدہشہ ومہالکسنی یک جلی وواضح بر صورتہ ارانہ و تصویر
ایلکده وشا کردانہ کوچک یاشلرنده مسکراتہ قارشو برحسن نفرت،
فکر عبرت ویرمکہ خدمت ایتکده درکہ اولجہ بالذفات موضوع بحث
بولنان ، بو یولده کی بر خیلی محتویاتی بو اثرہ ادخال قانان « لاریو -
ثہ - فلوری » غرامہ ر بو زمرہ دندر .

موزہ عسکری مدیری

مابعدی وار

احمد مختار

تراجم

قوش اطہلی ابراہیم افندی حضرتلری

قدس الله سرہ

بوزات عالیقدر متأخرین مشایخ عظام شعبانیہ دندر . غرہ غرای
وجودی قوش اطہسک چنار قریہ سنہ ۱۱۸۸ سنہ سنہ عالم ناسوتہ
روفق فرا اولمشدر . بدایت علومی تحصیلدن صکرہ دکترلیده مشاہیر
علمادن موسی افندیدن اکتساب فیوضات ایدرک درسعاتہ کلش
وخواجه امین افندیکن حلقہ تدریسنہ دخالتہ فاتح جوارندہ فیضیہ
مدرسہ سنہ حجرہ نشین اولمشدر . بورادہ خیل زمان قالمش وتخصیاتی دہ
ایلرو کوتورمشدر .

انہای مطالعہ بر آیت کریمہ نک معنای معنویسنہ عقدہ مشکلاتہ
دوچار اولدیغندن بوضرہ مقدمہ ماشریکی بولنان وبولیدہ پوست نشین اولان
حاجی مصطفی افندی تصادفاً یانہ کلہرک کیفیتہ واقف اولنجه آت
پازاری تکیہ سنہ مسافرہ مقیم بکپازارلی حاجی علی افندی حضرتلری
مشکلکزی حل ایدر دہ مشارالہی آلوب آت پازاری تکیہ سنہ
کوتورمش وبورادہ ظهور ایدن اسرار قلبیہ ابراہیم افندی بی حاجی
علی افندی بہ مربوط قیلمشدر .

حاجی علی افندی بالاخرہ داود پاشا جوارندہ کی بشیکچی زادہ
درکاتہ شیخ اولدیغندن ابراہیم افندی درت سنہ بورادہ بولمشدر .
مرتبہ ارشادہ واصل اولدقدن صکرہ شیخنک امریہ مصرہ عزیمت
وبرمدت صکرہ عہوت (۱۲۳۵) ایش وشیخی | عالم عقبایہ انتقال
ایتککہ ینہ فضیہ مدرسہ سنہ مقیم اولمشدر ارباب محبتدن حاجی خلیل
[۱۰] ۱۲۳۴ دہ ارتحال دارجنان ایشدر بشیکچی زادہ تکیہ سی خطیرہ سنہ
مدفوندر قبری زیارتکہ نامدر .

افندی اقسرایدہ سینکلی بقالده مشارالہیچون بردرکاه بنا ایتدیکنندن
حضرت اون ایکی سنہ بورادہ تشنکان معرفتی دلشاد بیوروب فقط
حریق کیردہ درکاه دخی یاندیغندن [۱] قوسقہ دہ اقامت وبرسنہ صکرہ
چهارشنبہ [۲] بازارندہ قوجیلردہ کی قوناقلرینہ نقل بیوروب (۱۲۵۹) دہ
ہجازہ عزیمتہ بعدہ شامدہ قالمشدر وتکرار ہجازہ کیدوب انہای عودتدہ
(رابع) نام محلدہ عالم جمالہ انتقال ایتککہ دفین خاک غفران اولمشدر
مدت عمرلری یتش درت وتاریخ انتقاللری ۱۲۶۲ در قبر شریفلری
الیوم زیارتکہ انام اولوب عرباب بیلہ (ہذا مرابط) دہ قبرلری
زیارتکہ انام اولوب عرباب بیلہ (ہذا مرابط) دہ قبرلری زیارت
وابرازاتار حرمت ایدرلر قدس الله سرہ ونفعنا الله ببرکات وفیوضاتہ .
ابراہیم افندی حضرتلری حنفی المذہب ایدی سر حلقہ ارباب ترک
وتحرید وساقی وخمخانہ توحید ایدی مناقب عایہ لری یک مہم واستفادہ
بخش اولوب فیوضات جلیلہ لری ارباب عشق ومحبتہ آلان ساری و
جاریدر کرامت علمیہ مالک اولدقلرندن قیمت شناسان زمان شعبانہ
عرفانلری اطرافندہ پروانہ مثال اولمشدر دی ہجازہ عزیمتلرنہ امین
اسراری حامی بوسنہ لی حاجی محمد توفیق افندی حضرتلری تعبیر
وتسلی وتسلیکہ مأمور بیورمشدر دی کرک مشارالہیہ کرک سائر ارباب
معرفتہ یازدقلری مکتوبلر یک مہم ومنبع حقایق اولدیغندن الیوم
غایت مقبولدر بولنلری اورانوس زادہ سلیمان سامی یک افندی اعتنای
مخصوص ایلہ جمع ایتدکلرندن ساحہ آرای عالم مطبوعات اولسنہ ابدالی
ہم بیورملری امید اولنور .

شوغلزل عارفانہ حضرت شیخکدر

وجہ یارہ دوش اولان عالمدہ سیران ایستہ مز

جانی جانانہ تسلیم ایابن جان ایستہ مز

بو مسافر خانہ نک فانیایکن فہم ایلہ یں

خانہ قابندہ حقدن غیری مہمان ایستہ مز

کرچہ ظاہر علمنک نفی دہ واردر طالبہ

لیک اسرارہ ایرنلر صوری عرفان ایستہ می

جنت اومنز طامودن قورقز حق عاشقلری

حق بودر ارباب عشق جنات وغلمان ایستہ مز [۳]

ارچی امری ایرشدی مرغ جانم سمعنہ

بی قرار اولدم انکچون ورد خندان ایستہ مز

ماسوی اللہدن مجرد اولدی ابراہیم بوکون

واریخی دلدارہ ویردی وصل و ہجران ایستہ مز

[۱] الیوم معوردر اجرای آیین طریقت اولتقدہ در .

[۲] درکاه شریف الیوم معوردر شیخی مرحوم عزت افندی حضرتلری مظنہ
کرامدن ایدی (۱۲۹۲) دہ ترک حیات مستعار ایدی . قدس سرہ

[۳] رابعہ العدویہ حضرتلری (قرب جلالک حقیچون یارب سکا جنہنک
تورقوسندن عبادت ایتدیکم کی جنتہ رغبت ایچوندہ عبادت ایتم مطمح نظریم
الحق جال پاکلکدر) دیر اولیہ عبادت ایدرلر مش ارباب حقیقت مسلک بدرکہ
بو بیت اتی بیاندر